

Dal Dialetto milanese...

Son chi che...son chi che...
Gh'hoo on oeucc pestaa 'me ona polpetta
el nas ch'el par on peveron
in pagament la crapa rotta
sòtta el pes d'on sganasson

Domà perché gh'hoo dii a ona donna l'altra settimana:
"Pussee che ona modella te me paret 'na befana!"
La m'ha impienii de sberlotton ma senza compliment
pussee la me picava e mi pussee perdevi i dent

A chi befana, disgraziaa !- la me vosava lee-
intant che la girava el tacc sul mè didon del pe.
Parevi propi nanca su la terra in quel moment
hoo vist el planetari e tutt i stell del firmament
finché hoo decis de ritiramm e presentà i me scus
perchè se andavi avanti inscì la me s'ceppava el mus!

Hemm fa la pas, l'hoo vista pu per ona settimana
me son curaa per quindes dì dai bòtt de la befana
gh'hoo pensaa su e me sont acòrt de vèss staa on poo sgarbaa
Tant l'è che gh'ho compra on regal e poeu ghe l'hoo mandaa !

L'hoo vista per la strada dòpo on mes vers i tre or
la me pontava i oeucc adòss pesant come on trattor
Hoo nò fa in temp a digh: "Bondì !"; la mè saltada adòss
con l'intenzion de mètt impègn e de s'cepamm i òss!

Son chi anmò, son chì anmò...
Con l'oeucc pestaa 'me ona polpetta
el nas ch'el par on peveron
in pagament la crappa ròtta sòtta el pes d'on sganasson.
Mi l'hoo ciamada pu befana, adess l'è colpa soa.
...e s'ì che per famm perdonaa gh'hoo regalaa ona scoa!!! (3V)

Canzone di Walter di Gemma